


xxxiii.

Q. D. B. V.
DE
STIGMATIIS
MAGNIFICI ICTORUM ORDINIS
PERMISSU
SINE PRÆSIDE
DISPUTABIT

AD D. JUNII 1711.

ERHARDUS 
ALTDORFINUS.

LITERIS KOHLESII, ACAD. TYPOGR.

Handwritten signature




~~744103825~~

A. 4562. BK

PRÆFATIO.

Specimen Academicum eorum, quibus
in me arbitrium est, jussu editurus, diu
de Thematis alicujus electione sollicitus
fui; non quod nullum se mihi offerret, sed quod plera-
q; a Doctoribus jam occupata, accurate conscripta &
ventilata viderem. Unicum de Stigmatiis, quod non
solum in Jure usum haud exiguum habet, verum
& antiquitatem multum illustrat, a nemine,
quem ego quidem novi, usque huc peculiari disser-
tatione Academica pertractatum, tandem placuit.
Hoc itaque si non pro materia amplitudine, pro
ingenii tamen modulo, ex antlatis rite examinibus,
elaborare, & disputationis solennis loco proponere
decrevi. Quem laborem ut DEUS T. O. M. for-
tunet, supplex rogo. Tu vero L. B. hunc conatum
pro Tua humanitate equi bonique consule.



J. J.
SECTIO PRIOR;

Eaque
Philologico-Historico-Juridica,

Continens ea

quæ ad historiam & nomen Stigmatum
pertinent.

§. I.

Etymologia.



Stigmatis vocem Græciæ suam debe-
re originem, certum est: siquidem
ἀσίζω i. e. *pungo*, *notas inuro*, deri-
vatur; unde, secundum nonnullos,
verbum obsoletum, *stigo*, cuius com-
positum *instigo* in usu est, descendit.
Nec desunt, qui vocem Germani-
cam, *Stich*/ hinc deductam ve-
lint. Inde etiam voces, in ipsa tra-
ctatione subinde recurrentes oriun-
tur, v. gr. σῆγμα i. e. punctum, &
στυματίας, qui notis est compunctus, sive stigmaticus, cui stig-
ma inustum, sive qui punctis est interstinctus, Germ. der mit ei-
nem

nem Mahl gezeichnet ist. Item apud recentiores verbum inde ortum invenitur, *stigma*, *stigmare*. Hinc pallium *stigmatum*, i. e. punctis variegatum, maculosum.

§. II.

Præter originariam vocis illius significationem cum primis hic notari meretur ea, qua stigma denotat punctum, quod infamiae causa alicui inuritur. Unde & *stigmaticus* & *stigmatias* pro homine infami, sive illo, qui ob aliquod crimen & maleficio notis est inscriptus, Germ. Ein Gebrandtmahlter / Gebrandtmerckter / oder der mit einen Brand-Mahl gezeichnet ist. Obiter hic addo, Nicanorem Grammaticum, eo, quod multa de interpunctionibus, & punctorum (posituras & distinctiones Grammatici vocant) ratione differuerit, *ἵνα τὸ περὶ σημῶν πολυλογίαί*, *Stigmatiam* fuisse dictum. Atque ita specialiori illo sensu Petrus Gregorius Tholosanus L. 31. cap. 35. n. 1. *stigmata* definit; quod *sint nota, quæ inuruntur delinquentibus, ut constet per ista signa, eos reos fuisse criminum*. Ex dictis itaque facile patet, *stigmata* duplicis esse generis: quædam enim honoris, officii vel notitiæ; quædam ignominiae causa infliguntur atq; inuruntur. Hinc recte laudatus jam Gregorius loc. citat. *stigmata*, inquit: *per se signum referunt, quæ nec perpetuo ob crimina, sed & ob alia iudicanda inurebantur*. Qua de re in seqq. uberius differemus. Porro & illud hic monere non abs re erit, quod *stigmata* vel proprie dicantur de illis notis, quæ in cute victuræ sunt; vel improprie de illis, quæ debiles cuti inunguntur, aut alia ratione corpori & vestimentis annectuntur: de quibus vide infra §. IX. Reliquæ huius vocabuli significationes, ut quando *stigmata* à scriptoribus Ecclesiasticis ponuntur pro præstigiis Dæmonum & characteribus magicis, nihil ad nos pertinent. Quare eas missas facimus, & potius ad Synonymiam pergimus.

Homonymia

Definitio.

stigmata sunt vel proprie vel improprie sic dicta

A 3

§. III.

§. III.

Synonymia.

Stigmata variis nominibus aliis, tum in Jure nostro, tum ab aliis bonæ notæ scriptoribus insigniuntur. *Character*, dicuntur generaliori vocabulo in cap. 3. x. *de crim. falsi*, ubi vid. Gonzalez Tellez. *Corporalis macula* in l. 3. C. *de sportul.* *Cicatrices* in l. 17. §. 1. *de Usufr.* *Inscriptio* in l. 17. C. *de pæn.* *Vestigia* vid. Ulpianus l. §. 11. *Nota* Valer. Max. L. 6. c. 8. *Nota & puncta* Plinius in Paneg. *Puncta signorum* Vegetius L. 1. c. 8. *Serviles literæ* Seneca L. 1. *de Tranquill.* *Signa fororum* Columella in Horat. & Scaliger. *signa fugarum.* *Notum fugitivorum epigramma* Petron. Arb. *Elogia* Sueton. in Calig. c. 24. f. ibique Casaubon. *Symbolum* Suidas h. v. *Nota Threjicia* Cicero L. 2. *Of. fic.* ita dictæ à Thracibus, apud quos nobilitatis erat insigne, uti mox videbimus; sed postmodum ob illorum perfidiam ad fugitivos translata appellatio hæc, & pro signo infamiæ & probri accepta. Qui ejusmodi stigmatis inusti erant, ac cicatricibus deformati, *stigmatiçi, stigmatia, literati & subverbusti* audiebant. Dionys. Gothofred. ad l. 17. §. 1. ff. *de usufr. & l. 1. §. f. ff. de fugitiv.* & Jac. Gothofred. ad l. 2. C. *Theod. de pæn.* Obiter hic de voce *subverbusti*, cum sit rari usus, ut solliciti simus liceat. Festus *subverbustum* dici autumat, quasi *verubus ustum*, seu *sub veru ustum*; sed hæc originationo longius mihi petita videtur. Rectius fortasse (licet Henr. Salmuth ad Guid. Panciroll. *Rer. deperditar.* L. 2. tit. 2. p. m. 85 Festi etymologiam arripiens dissentiat) sentit & exponit Hadr. Junius, & cum eo Hadr. Turnebus L. 14. *Adversar. c. 1.* *subverbustum* dictum esse quasi *sub verberibus ustum*. Atque hic cum primis huc trahit illud Horatii L. 2. *satyr. 7.*

Uri virgis ferroque necari.

Qui idem Epod. Od. 4. dixerat:

Ibericis peruste funibus latus.

Sed ad alia. Plauto in *Calina* vocantur *insignes literati*; Martiali ac

Plinio

de subver-
busto.

Plinio *scripti*; Propertio L. 4. *calati*; Juvenal. sat. 14. *inscripta ergastula*; Polluci L. 3. c. 8. *στυγῶνες καὶ στυματῖαι*; Aristophani in Avibus *Varii attagenes*; Cœlio L. 8. c. 31. *Istriani* v. §. VII. in fin. infra, & quæ sunt plures denominationes, quæ hic adduci possent.

§. IV.

Cum §. II. stigmata alia *gloriosa*, quæ nominis amplificatio- nem afferunt, alia *ignominiosa*, adeoque cum quadam famæ læ- sione conjuncta esse dixerimus; (De illis enim, quæ excepto ho- mine, notitiæ causa variis rebus & pecudibus, de quorum signis & notis vid. H. Hugon. *de prima scribendi origine* c. 20. im- primebantur, quia à scopo nostro prorsus sunt aliena ni- hil attingere placet.) Nunc liceat illorum ex optimis Au- ctoribus quædam exempla proferre. Illustrissima sunt, li- cet non ex intentione infligentium, tamen ex Supremi Numinis piorum cultorum vera æstimatione, quorum Apostolus meminit Galat. VI. 17. ubi ait: *Stigmata Domini Jesu in corpore meo por- to*: quæ qua ratione ipsi sint inflicta, ipse commemorat 2. Cor. XI. 24. 25. Stigmata illa dubio procul sunt cicatrices & notæ ver- berum, quæ propter Christum tum a Judæis tum ab Ethnicis fuerat perpeffus. De his enim accipiendus est Pontius Diaconus in actis S. Cypriani, ibi: *Quis tot Confessores frontibus notarum secunda inscriptione signatos, & ad exemplum martyrii supersti- tes reservatos incentivo tuba cælestis animaret.* Quod variis exemplis illustrat Theophilus tom. 14. tract. *de stigmatismo sa- cro & prophano* cap. 6. Videlicet cum isti, Judæi scil. & Ethnici, omnis generis cruciatibus torquerent Christianos; hinc cum illis, tanquam cum hominibus servilis conditionis, religionis odio ege- runt, & cum primis frontes eorum crucis signo vel literis, imo & integris sententiis iniustis vehementer deturparunt. Quam in- juriā detestatus Constantinus Imp. in l. 17. C. *de pœnis* sanxit, ne quis amplius ullius criminis causa, in facie notaretur, sed po- tius

Stigmata proprie sic dicta sunt vel gloriosa vel ignomi- niosa.

gloriosa.

Apostoli, Christiani Veneres & Martyres.

tius in fura & manu. Cedrenus tamen de Theophano & Theodoro, tale quid post tempora Constantini, Theopholi Iconoclastæ jussu perpeffos esse refert.

§. V.

*Populus
quidam in
Africa.*

Hæc ab hostibus Christiani nominis inscribebantur. Sed reperti sunt antiquis temporibus, qui religionis causa ipsimet sibi vel suis signum apponebant. Perhibent adhuc hodie montem Atlantem in Africa populos incolere, qui Christi nomen profitentur, & ex mera superstitione, cum crassa ignorantia conjuncta, infantibus suis nuper natis in fronte signum crucis decussatæ, loco initiationis, ni fallor, imprimunt, uti refert Johann Friedrich Leutholff von Franckenberg in der Schaubühne der Welt/ P. 2. sect. 2. de Turcarum Imperio p. 449. his verbis: Am Gebirge Atlas wohnet ein Volk / welches ihren Kindern † an ihre Stirne brennet; wissen aber aus Einfalt dessen Ursach selbst nicht zugeben.

§. VI.

*Diis Gentium
consecrati.*

Hos veri Dei cultores stigmate notatos excipiant Idololatræ. Diabolus enim κακόζηλος & Dei simia, nihil omisit, quo mendacii suis fucum obduceret, fidemque conciliaret. Hinc religiosi cultus pars apud Gentiles erat, si quis initiandus & Deo cuidam consecrandus, membra sua varie compungere patiebantur. Copiose hæc Prudentius describit, cujus pluscula verba Peristephanon. hymn. 14. v. 1059. seqq. ut apponamus, digna videntur.

Sunt sacra, quando vosmet ipsi exciditis,

votivus ut cum membra detruncat dolor.

Cultrum in lacertos exserit fanaticus,

sectisque Matrem brachiis placat Deam.

Et paulo post:

Quid? cum sacrandus accipit Sphragitidas?

acus minutas ingerunt fornacibus,

his

*his membra pergunt urere, ut igniverint.
Quamcunque partem corporis fervens nota
stigmatit, hanc sic consecratam pradicant.
Functum deinde cum reliquit spiritus,
& ad sepulchrum pompa fertur funeris,
partes per ipsas imprimuntur bractea,
insignis auri lamina obducit cutem,
tegiturque metallo, quod perustum est ignibus.*

Huc refer & illud, quod de sacris Semiramidis in Syria tradit Lucianus in *Syria Dea*, homines sacratos peragere sacrificia, vulnerarique cubitibus &c. Illud cum primis hic notatu dignum, quod idem ibidem perhibet, cum Assyrii filios suos sacco inclusos ad aram adducerent, certis illos notis compungi omnes, alii quidem in vola manus, alii autem in cervice.

§. VII.

More Gentium etiam olim introductum fuit stigma, & grande decus in his notis repositum. Ex iis, qui nobilitatis causa punctis conscribebantur, notissimi sunt Thraces. De quibus locuples testis est Herodotus, L. 5. *punctas notis esse frontes*, inquit, *nobile judicatur; non esse notatas punctis, ignobile*. Hinc notæ Thraciæ s. Threciæ in proverbio. Rhodig. *lib. 7. Antiqu. lect. c. 31*. Sic & Ægyptii, Æthiopes, Syri, Britanni, Picti, Sarmatæ ac Daci hunc morem habebant, ut pulchritudinis persuasione stigmata corporibus infligerent. Et de his quidem notus est locus Plinii L. 22. c. 1. scribentis, barbarorum foeminas maresque apud Dacos & Sarmatas corpora sua inscribere, h. e. signa notasque suis corporibus imprimere, quo venustiores appareant. vid. Jac. Gothofred. ad Cod. Theod. l. 2. de pæn. qui foetus etiam sive partus, antequam adolescerent, notis compunctos fuisse addit. De Germano quodam populo notis se inscribere solito refert Hœpping.

Thraces,
Ægypti, Æ-
thiopes,
Syri, Bri-
tanni, Picti,
Sarmatæ ac
Daci.

Istriani.

Hispani
Nobiles.

Equites
Hierosoly-
tani.

Persæ &
Turcæ

de Fure insign. cap. 18. & ab illo allegat. Avent. in Annalib. Bo-
jor. lib. 1. De Istrianis vero legimus apud Coelium L. 8. c. 31. illis
more recepto, puncta iniusta esse. Unde postea per contemptum
infames punctisque scripti Istriani sunt vocati. v. H. Hugon. cap.
19. Fuit insuper stigma Ordinis illustrioris in Hispania nota. No-
biles enim, quos alti sanguinis stemma non decorabat, *stigma au-
riculare & notam equestrem* acceperunt, qua suscepta aliud no-
men assumere solebant. Hieron. Roman. *in Republ. mund.* Ad-
huc hodie Equestris Ordinis signum per stigmata indicari extra
dubitationis aleam positum est. Scilicet Peregrinantium No-
bilium quando Equites Hierosolymitani creantur, brachiis
sinistris signum crucis sive potius quinque crucium insculpitur s.
scarificatur, & postmodum cicatricibus seu sulcis ita scarificatis
pulvis inspergitur pyrius, ut eo melius videri queat. Quæ di-
gnitas olim magni propter religionis zelum habebatur, & non-
nisi vere Nobilibus, qui hanc crucis formam suis insignibus post-
modum inferebant, tribuebatur, quod tamen non æque amplius
observari, immo Mercatores etiam, nunc ad illam posse adspirare
modo præstiterint juramentum consuetum & nummorum debi-
tam persolverint summam, mihi pro certo relatum est. Cautè
tamen hic dignoscendum, an genuina sint an spuria, cum & mul-
ti nequam homines sibi ipsis talia signa artificiose insculpentes E-
quitum Hierosolymitanorum Ordini se adscriptos profiteantur.
Licet autem hæc adeo vera & nota sint, ut fere in omnium ver-
sentur ore, tamen nullum Autorem, qui singulis observatis cir-
cumstantiis plenius ea tractasset, temporis angustia exclusus vel
invenire vel evolvere me potuisse, ingenue fateri cogor. His
nationibus recensitis tandem subjungere placet Persas & Turcas.
In quibus hoc memorabile est, quod signo crucis in fronte non
tam decoris quam pestis profigandæ causa olim fuerint usi. Cum
enim

enim, referente Höppingio *de Jure Insignium* c. 18. n. 248. Choroës de Persis rebellantibus illustrem victoriam obtinuisset, & Turcas captivos ad Mauritium Imperatorem Orientis dono misisset, Mauritius eos signo crucis in fronte notatos cernens, attonitus sciscitatus est, quam ob causam, quæ non colerent, signa circumferrent; Tum eos respondisse fertur; Persidem nuper gravi pestilentia laborasse, unde edoctos se a quodam Christiano, ut se tali stigmate præmunirent, quod experientia deinceps saluberrimum esse declaravit.

§. IIX.

Personæ quibus officii vel notitiæ causa signa imprimebantur, nunc recensendæ. In his primos nominamus Hebræorum servos: Apud illos enim, si Hebræus servivisset sex annis Hebræo, in septimo anno dimitti liber debebat. Quod si tamen nollet exire e Domo domini liber, tunc auris fibula perforabatur; uti latius legitur Exod. 21. v. 6. Licet alias Jure divino stigmata Israëlitis penitus fuerint interdicta. vid. cap. 14. v. 1. Deut. & c. 19. v. 28, Levit. Proximos ab his appellamus Hydrophylaces. Videlicet aquarum publici custodes, & aquæ ductuum urbis regiæ, in manibus nomine Imperatoris notabantur, ut manifesti essent omnibus, & ita ab usu, cui deputabantur, non avellerentur, nec angariarum vel operarum nomine tenerentur, vid. omnino l. 10. *Cod. de aqueduct.* quæ stigmata tamen longe diversa a servorum stigmatibus fuerunt, utpote quorum *stigmata* erant & atrociora & notabiliora. In Fabricensibus quoque statutum ab Arca-

Hebræorum servi.

Hydrophylaces s. Aquarii.

Fabricenses

Tyrones.

Tyrones
quid, sint?

tim punctis signorum scribendus est tyro dilectus, & l. 2. c. 5. Nam *victuris in cute punctis milites scripti & matriculis inserti jurare solent*. Cumprimis huc facit textus modo alleg. in l. 3. C. *de fabricens.* ubi stigmata Fabricensium brachiis ad imitationem tyronum infligi jubentur. Causæ hujus scriptionis non aliæ afferuntur, quam, quo facilius apparerent & militiæ refugæ agnoscerentur, neve publicis usibus destinati subtraherentur; ut Viglius Zuichemius recte annotavit *J. de milit. testam. in pr. n. 20.* & Claudius Coteræus de jure militari l. 1. c. 21. Effectus vero ejusdem erat, ut tyrones, publico stipendio conducti, discedere a militia non possent, nisi emeriti; adeo, ut nec favor religionis & monasteriorum eos a militia liberarit. Hinc Gregorius epist. 2. mentionem facit Constitutionis a Mauritio latæ: *Ne quis manu signatus ante expletam militiam ad ministeria migret*. Erant autem tyrones juniores milites, qui publicis stipendiis militari disciplina quidem instituebantur & militiæ designati ad pugnam exercebantur, sed tamen nondum in numeros relati erant, neque etiam militiæ privilegia habebant, uti ex l. 42. ff. *de testam. milit.* certum est, quæ tota huc apponi meretur: *Ex eo tempore quis jure militari incipit posse testari, ex quo in numeros relatus est, ante non.* Proinde qui nondum in numeris sunt, licet enim lecti tyrones sint & publicis expensis iter faciant, nondum milites sunt; debent enim in numeros referri. Cum enim Vett. Imperatores in eo semper toti fuerint, ut peritum & exercitatum militem haberent, cui soli, non vero etiam tyronibus, qui in numeros nondum relati erant, militaria privilegia concederent, constat ex adductis legis verbis, nondum *in numeros* dici *relatos* milites, cum delecti quidem sunt, nec dum tamen in suos ordines pervenerunt: sicut & per contrarium milites in numeris manere dicuntur, qui in suis ordinibus consistunt l. 4. ff. *de milit. testam.* Joh. Corasius l. 5. Miscellan. c. 22.

§. IX.

Stigmatum improprie dictorum, quorum memini supra §. 2. in f. bina incidenter huc addam exempla. *Alterum* de militibus qui in humero signum album gestabant, quod in Veteri Ceremoniali MS. (referente Carolo du Fresne in Glossario voce: Stigma) *Las* seu *Lemniscus nodatus* vocatur. Qui enim miles cum balneorum ceremonia creatus fuerat a Principe, longiori tunica induebatur, eique lemniscus albus ad sinistrum humerum alligabatur; Et ce blan las, (verba sunt Ceremonialis) il portera sur tous ses habillemens qu' il vestira au long de cette journée, tant qu' il ait gagné honneur & renom d' armes, & qu' il soit recordé de si haut record comme de nobles Chevaliers, Escuiers, & Heraux d' armes, & qu' il soit renommée, de ses fais d' armes, comme devant est dit, ou aucun haut Prince, ou tres noble Dame de pouvoir couper le las de l' espaule du Chevalier, en disant, Sire, nous avons ouy tant de vray renom de votre honneur, que vous avez fait en diverses parties, au tres grand honneur de Chevalerie, à vous mesmes, & à celuy qui vous a fait Chevalier, que droit veut que ce las vous soit ôtez. Ex quibus simul verbis apparet, vera esse, quæ Nicol. Vptonius l. 1. de milit. offic. c. 3. refert: *Milites qui creantur per balneum, portant de consuetudine in sinistro humero suum stigma militare album; quod quidem stigma dictus Tyro portabit, quousque fecerit aliquod notabile factum, nisi aliqua nobilis domina illud tollat, ut est consuetudo Anglia.* *Alterum* quod huc trahendum est exemplum, sunt Britanni, de quibus tradit Herodianus L. 3. c. 14. quod videlicet ventrem ac cervicem ferro incingant, totumque corpus *εἰζωνται γραφᾶς ποικίλων ζώων πανταδαπὼν εἰκόσιν*, pictura varia & formis omnifariam animalium notent. Quæ pingendi consue-

Stigmata
improprie
sic dicta.

tudo furas potissimum & brachia, adhuc hodie Turcarum foeminis solennis est.

§. X.

Hæc de stigmatibus gloriosis & iis, quæ notitiæ causa imprimabantur; Sequuntur *ignominiosa*. Durissimam servorum apud Romanos fuisse conditionem, vel ex eo notum est, quod Dominis olim in servos jus vitæ ac necis competierit, teste Justiniano in §. 1. *J. de his qui sunt sui l. alien. jur.* Possem itaque hic carnificinæ scenam aperire, ac famulos calceis appetitos, graphiis compunctos, confractis dentibus, oculis stilo erutis, gladio percussos, ancillas morfu dominarum cruentas, quæ Galeni verba sunt, producere. Sed brevitatis causa, hæc indicasse sufficiat. Vid. interim Laur. Pignon. de Servis p. 8. 9. seqq. Præsertim vero hæc inclementia in servis fugitivis eminuit, in quos e fuga retractos varia suppliciorum genera constituta. Ex illis nos præcipue notamus stigmata fronti inusta. Mentio illorum fit creberrima apud Columellam, Juvenalem, Senecam, Petronium, Martialem, Apulejum, Claudianum, Lucianum, & quos non? Extant apud Ausonium bina epigrammata XV. & XVI. unde illud probari potest. Sic epigr. XV. scribit:

*Tam segnis scriptor, quam lentus Pergame cursor
fugisti, & primo captus es in stadio.*

*Ergo notas scripto tolerasti Pergame vultu,
& quas neglexit dextera frons patitur.*

& Epigr. XVI.

*Pergame non recte punitus, fronte subisti
supplicium, lenta quod meruere manus.*

In Jure nostro de his notabilis est Ulpiani tx. in l. 1. §. f. ff. de fugit. ibique Gothofr. Atque hujusmodi stigmatiæ & subverbusti, ne manumissi quidem iusta libertate fruebantur, tantum.

tumque dedititii (qui tamen postea a Justin. Imp. in *§. ult. f. de Libertin. & l. un. C. de dedit. lib. toll.* Civibus Romanis parificati fuerunt) fiebant. Pignor. de servis. Cuellar. de manuiſſ. cap. 2. Olanus lib. 4. Forner. lib. 6. rer. quotid. c. 25. Joh. Bodinus de Republ. lib. cap. 5. Per quos Cajus intelligit eos, qui post admissa crimina suppliciiis subditi, & publice pro criminibus caſi sunt: aut in quorum facie vel corpore, quæcunque indicia aut igne aut ferro impressa sunt, ut deleri non possint. Cajus l. i. c. 1. Sic & Ulp. tit. 1. §. 11. dedititiorum numero esse ait, qui poena causa vincti sunt à Domino, aut quibus vestigia scripta fuerunt. Quibus adde quæ de Dedititiis scripsit Alciatus l. 1. parerg. c. 14 & 16. & Sylvester Aldobrandus ad *§. libertinorum. Inst. de libertin.* Et exinde est, quod nonnulli putent, frequenter ideo apud Ictos servos stychos dici. Petr. Grep. L. 31. c. 35. n. 3.

§. XI.

Atque hæc stigmatis poena licet fugitivorum propria & ordinaria fuerat, diffitendum tamen non est, illos quandoque & pedum amputatione coerceri solitos fuisse, atque adeo qua parte peccassent, eadem multatos. *l. 3. C. de serv. fugit.* huicque subjuncta auth. *Sed nov. jure.* ibique Gothofred. Galenus lib. 6. de decret. Hipp. & Platon. scribit: *Dominos fugitivorum crura adurere, lacerare, furum manus, edacium ventrem; garrulorum linguam torquere consueverisse.* Sicuti falsario incisos digitorum nervos (quæ poena de Jure Novellarum sublata est, adeo, ut nulli Judici liceat in quocunque delicto *exarthrare*, quo verbo intelligitur incisio nervorum, vid. omnino *Nov. 134. c. 13.* ibique not. à Gothofred. aliisque) Alexandri decreto, Lampridius; Claudii, precisas manus, Suetonius memorat: Qui idem autor, Galbam Numulario non ex fide versanti pecunias, manus amputasse ait, mensæque ejus adfixisse. Licet alias Falsario ordinarie & secundum *Nov. 17. c. 8. &*

Servorum
fugitivo-
rum aliæ
pœnæ.

42. c. 1. *in fine* una saltem manus abscindi debet, ex ratione in Nov. 134. c. 13. data: cum nemo ita damnari debeat, ut uterque pes vel utraque manus abscindatur. Neque his tamen finibus conclusum fuit supplicium fugitivorum. Dati insuper non raro sunt ad pugnam bestiarum. Androclus apud Apionem s. Gellium l. 5. c. 14. ita de se ipso ait, *ad dominum ex Africa deductus, is me statim rei capitalis damnandum dandumque ad bestias curavit.* Præterea fuerunt in ludum coniecti. Immo crux ipsa m. non infrequens illis posita fuit. Val. Max. L. 2. c. 7. — Cæterum cum hodie cum servis Romanis comparare multi soleant homines proprios s. adscriptitios, die *Leibeigenen Leuthe.* vid. Mev. p. 3. d. 8. quos in Bohemia, Pomerania, & passim dari notum est, idcirco Gaillius in Tract. de Arrest. Imperii c. 8. n. 18. quod de servis fugitivis stigmate notandis in l. 2, C. de serv. fugitiv. & l. 1. l. 2. l. 3. ff. eod. dicitur, ad nostros mores accommodat, putatque homines proprios aufugientes, præter castigationem talismodi stigmatis pœna affici non solum consultum, sed & ad coercendam eorum proterviam necessarium esse, ut ubique locorum ea introducatur. De qua opinione quid sit sentiendum infra in Sect. poster. dispiciam.

§. XII.

Servi Pistorii.
xii.

Huc m. referendi sunt servi Pistorii, (quorum Paullus in l. 18, §. 1. ff. de instr. l. instrum. legat. ad quam vid. Gothofr. mentionem facit,) qui obfugam vel aliud quoddam crimen à Dominis in pistrinum detrusi sunt, ubi miseram eorum conditionem augebant stigmata fronti ibidem inusta. Illos Apulejus, Plautum imitatus, *litteratos* vocat; h. e. cauterio notatos, quod literas aliaque signa fronti impressa gererent. Omnem illorum habitum ac sordidam vivendi rationem graphice depingit laudatus Apulejus de Asino aureo, ubi dicit: Dii boni, quales illic homunculi vibicibus livedinis totam cutem depicti, dorsumque plagosum scissili centunculo

ma-

magis inumbrati, quam obtekti, nonnulli exiguo tegili tantummodo pubem injecti, cuncti tamen sic tunicati, ut essent per pannulos manifesti, frontes literati, & capillum semirasi & pedes annulati; cum lurore deformes, & fumosis tenebris vaporosae caliginis palpebras adesti, atque adeo male luminati, & in modum pugilum, qui pulvisculo perspersi dimicant, farinulento cinere fordide candidati. Pistrinum a. locus erat, ubi servi inde pistorii dicti, non solum horrendum puniebantur, sed & ad labores stupendos concatenatosque ad mortem usque adigebantur. Illud Plautinus servus festivissima circumlocutione designat, cum ita dicit: Num me illuc ducis, ubi lapis lapidem terit? ubi flent nequam homines, qui polentam pinsitant, apud fustitudinas ferricrepinas insulas, ubi viva hominum corpora mortui incurfant boves.

Pistrinum
quid?

§. XIII.

Fugitivis hodie comparari posse Desertores, die Desertours, ausgerissene Soldaten oder Feldflüchtige/nemo facile neget. Et in desertoribus poenam stigmatis, & huic similem abscissionis aurium & nasi in viridi esse observantia testatur passim Editor Corporis Juris milit. in Annot. ad art. 46. Brandenburgisches Kriegs Recht. Sicuti etiam a magni nominis viro me audivisse memini, in Gallia multos se Desertores vidisse in fronte signo lilii notatos. Quod & omnibus ad triremes damnatis praecipue Reformatis denique Hougenoren in Gallia lilio genis inulto speciali Regis mandato contingere solet, ut mihi similiter pro certo relatum est. Desertores a. infames fiunt, sie werden mit Schimpf und Unehren von Regiment abgewiesen / sie werden als Schelme darvon gejagt / & nunquam amplius in milites recipiuntur l. 4. §. 6. ff. de re milit. Burger. Observ. milit. 39. Cent. I. immo ut delictum eorum atrox omnibus patefiat, stigmata praeterea in fronte ipsis inu-

Desertores

runtur, vel nasus & aures abscinduntur. Quæ poena an justa sit & de jure possit defendi? infra in Sect. post. dijudicandum erit.

§. XIV.

Servis fugitivis & Desertoribus subjungimus illos, qui a regibus suis & principibus desciscabant. De Thebanis, cum a Græcis ad Persarum Regem Xerxem deficerent, refert Herodotus L. 7. c. 233. hujus jussu illorum maximam partem notis regiis compunctam fuisse a barbaris, qui à Duce Leontiade exordiebantur. Nec minus inclementer Atheniensium populus adversus eos, quos a ductu auspiciisque suis deficientes comperisset, se gessit, ut ex Græcis historicis notum est. Æginetis pollices præsciderunt, ne hastam amplius gestare possent; Mitylenæorum omnem juventutem indiscriminatim occiderunt; Samiorum frontibus Noctuam, Athenarum insigne inscripserunt, teste Ælian L. 2. Var. histor. c. 9. ex quo Coelius Rhodiginus in Lect. antiqu. L. 15. c. 27. repetiit. Hinc Aristophanes in Babyloniiis populum Samiorum literatum nominavit, festivissimè alludens ad stigmata frontibus eorum inusta; adeo ut vulgo jactatum sit, Samiis neminem esse literatiorem. Ab Æliano dissentit Plutarchus in eo, quod Samiis devictis Samænam inustam fuisse tradat; quam injuriam ulturi Samii victores, Atheniensibus Noctuam impresserunt. Locus Plutarchi ex Pericle p. m. 296. dignus est, qui hic legatur. Porro Samii ut ignominiam acceptam Atheniensibus reponerent, Captivis in frontem inussere noctuam, sicuti Athenienses ipsos prius Samænam inusta notaverant. Samæna navigii est genus, ita quidem incurvatum, ut proram habeat depressiorem, & concavior, itaque ventricosa sit, ut & maria trajicere possit, & agi celeriter: sic dicta, quod in Samo primum visa sit, à Polycrate tyranno parata. Eas notas ferunt & Aristophanem per ambages indicasse hoc versu,

Quam literis Sami incola sunt præditi?

Has v. lites & dissenſum componere noſtrum non eſt. Quid captivis Armenis à Constantino factum fuerit vid. infra §. XXI. Hoc loco non poſſum non memorabile illud exemplum de ſervo notis compuncto & ab Hiſtiao ad Ariſtagoram miſſo, ut hunc ad defectionem ſolicitaret ex Herodoto L. 5. c. 35. recensere. *Ariſtagoras, quando quod Artapherni receperat præſtare non poterat, nec exercitui ſtipendium exigenti dare, præſertim Megabate inſimulante apud milites male affectos, verebaturque præterea ne regno Mileti fraudaretur, his de cauſis trepidus, de defectione cogitabat. Contigit enim è Suſis ab Hiſtiao venire quendam compuncto notis capite, quibus Hiſtiaus Ariſtagoram communeſciebat ut ab rege deficeret. Id namque volens Hiſtiaus Ariſtagora indicare, quia alia ratione non poterat, utpote itineribus cuſtoditis, fideliffimo è ſervis caput erasit, literasque impreſſit, & hominem retinens quoad capilli renaſcerentur, ubi illi renati ſunt, raptiffime dimiſit Miletum, nihil aliud mandans niſi ut quum Miletum perveniſſet, juberet Ariſtagoram eraſo ſuo capite inſpicere. Ea autem ſtigmata ſignificabant (ut à me ſuperius dictum eſt) defectionem.*

§. XV.

Præter ſervos & captivos ii etiam, qui in aliquo ſcelere deprehenſi fuere, notabantur in frontibus charactere quodam ſervili, quo rei crimen designaretur. Ab huiusmodi poena nec Clerici perversi immunes fuere; Clerico enim circa ſigillum Principis falſum committenti, ſi prius à ſuis ordinibus depositus & degradatus fuerit, character imprimitur, exilii que poena imponitur c. 3. x. de *Crim. falſ.* ibique Comment. de qua poena an juſta ſit? in poſter. ſectione diſpiciamus. Et jam apud Ethnicos in ſacrilegos ſtigmatiſ poena fuit conſtituta. Certe ſacrilegos ſtigmati� notari juſſit Plato L. 8. de Legib. ibi: *Si quis ſacrilegium commiſerit, ſiquidem ſervus*

Clerici.
Falſarii.

Sacrilegli.

*servus aut hospes fuerit, in facie manibusque crimen inscriptus
& flagellatus extra fines patrios projiciatur.*

§. XVI.

Binas nu-
prias con-
trahentes.

De Jure Hispano quondam binas nuptias simul contrahentes, adeoque Polygami, candente ferro litera Q in facie notabantur l. 3. tit. 1. l. 5. Ordin. l. 5. tit. 1. lib. 1. Recopil. Ubi tamen Gonzalez Tellez ad c. 2. x. de spons. duor. literam P. pro litera Q. reponendam esse argutatur, existimans errore typographi has literas Q. & P. inter se permutatas fuisse; & Reges Hispanos statuuisse, ut prima delicti, Polygamiæ puta, litera, quæ est τὸ P. frontibus reorum inscriberetur, ad imitationem L. Rhemniæ, quæ calumniatori literæ K. inustionem poenæ loco sanxit, l. 1. §. 2. ff. ad SCTum Turpil. ibique Gothofred. Sunt tamen non leves Juris Hispanici Dd. uti Covarruvias, Didacus Perez., Gomezius & Vela, qui eadem ratione nitentes pro litera P. literam B. substituendam esse contendunt. Sed superflua & critica magis, quam necessaria est hæc eorum censura, quum lex illa in Hispania dudum expirarit, ejusque criminis cognitio sacro Inquisitionis Collegio sit demandata, quod plerumque ad fustigationem, vel ad triremes per quinquenium reos damnat. Vid. ipse Gonzalez l. cit.

§. XVII.

Calumnia-
tores.

Calumniatoribus ex Lege Rhemnia vel Memnia, criminis sui indicem literam K. (non vero literam C. uti vult Hotomannus, cum veteres Kalumnia non Calumnia scripsisse certum sit. vid. Groenweg. de LL. abrog. ad l. 17. C. de pæn. & Gothofr. ad l. 1. §. 2. ff. ad SCT. Turpil.) inustam esse proxime diximus. Testem nunc producimus Ciceronem pro Roscio Amerino c. 20. ubi: *Crura quidem vobis nemo suffringet; sed si ego hos bene novi, literam illam, cui vos usque eo inimici estis, ut etiam eas omnes oderitis, ita*
vehe-

vehementer ad caput affigam, ut postea neminem alium nisi fortunas vestras accusare possitis. Hinc & Papinianus hominem integræ frontis opponit calumniæ damnato in l. 13. ff. de Testib. Confer. Turneb. L. 8. c. 22. & Lipsius Orat. de Calumnia. Amplius & ingratis frons deformabatur. Poenam stigmatis militi naufrago ac Ingrati; hospiti ingrato Philippus Macedonum Rex inflixit, narrante uberiorius historiam Seneca L. 4. de benef. c. 37. ibi: Rex ita exarsit, ut statim Pausania mandaret, bonâ priori Domino restitueret; Cæterum improbissimo militi, ingratisimo hospiti, avidissimo naufrago stigmata inscriberet, ingratum hominem testantia. Eandem historiam & apud Coelium Rhodiginum Antiq. lect. L. 6. c. 28. legere licet. His præterea adjungendos esse merito existimo Executores litium, qui circa lites male versati sunt; quos itidem corporalibus maculis impositis signari jubet Imp. in l. 3. C. de sportul. de quibus vid. Gonzalez. ad c. 3. x. de crim. falsin. 9. Executores
Litium.

§. XVIII.

Obtinuit etiam quondam, & hodiernum Jure Saxonico obtinet hæc poena in furibus, de quibus Juvénal. Satyr. 14. Fures;

*Tunc felix, quoties aliquis tortore vocato
uritur ardenti duo propter lintea ferro.*

In Saxonia plerumque illi, quos Magistratus virgis cædi aut deportari jubet, ferro candenti in maxillis notantur, quod hoc signo ab omnibus dignoscantur, & malitia eorum patefiat. Glossa des Sächs. Weichbilds art. 38. Ihr (der Diebe neml.) letzte poen ist auch diese / wenn man sie mit handhafftiger That vor Gericht bringt / und mit schreien verurtheilt (als recht ist) und ist die Dieberey minder denn drey Schilling werth / man richt über in zu Haut und Haar / ut Landr. lib. 2. art. 13. verl. Geschicht. und dis ist so viel / daß man den zu der Staupen schlegt / und im ein Ohr abschneidet. Hat er des

Ohrs nicht / man brennet in durch die Backen / hat er der Zeichen vorhin zwey / man sendet in in das Elend / (das ist an den Galgen) und diese Zeichen giebt man den Dieben / die des Tages stehlen / und Beutelschneidern / man zeichnet sie aber aufwärts. Zum ersten durch die Backen / zu dem andern mal bey die Ohren / zum dritten mal ein Creutz durch die Stirne (und ja als oft zu den Staupen geschlagen) und man zeichnet sie darum / das sie die Leut kennen mögen / und sich desto bas vor in hüten / kommen sie aber des Dings in Gewohnheit / man giebt in hörere Zeichen / und man zeichnet sie mit dem Strang / und dies ist darum / das welche Bosheit gemeiner ist / die soll man desto sehrer straffen. ff. de furtis l. 1. Und darum hencfft man die Dieb. us. Landrecht lib. 2. artic. 13. vers. den Dieb soll man hencfen. Und man begräbet sie selten / darum das man andere damit erschreckt. ut not. Glos. Instit. de fure Nat. Gen. & civ. §. plane ex his quaedam. Nec dissimilis olim ibidem poena detondendi capillos, vel abscindendi aures invaluerat. Alebant Saxones comam, id quod inter summa corporis decora & ornamenta reponebant; ideoque cognitus satis erat, ignominiaque satis gravi afficiebatur is, cui capilli refecarentur, Quilibet enim cuius farinae homo esset, exinde dijudicare poterat. Vnde etiam fluxit ille loquendi modus: Straffen/ so an Haut und Haar gehen, de quo Glossa des Land-Rechts. Lib. 2. art. 13. §. 6. Ist eine Dieberey / welche bey Tage geschehen / geringer denn drey Schilling werth / so gehet sie zu Haut und Haar / das ist / man schlägt einen darum zur Staupen und windet ihm die Haar mit einem Kluppen oder Knebel aus dem Haupt. Hierbey sagen etliche / daß die
Zeit

Zeit / als das Recht sey gegeben worden / haben die Sachsen lange Haar getragen / und da hab man einen solchen Dieb pflegen zu beschehren / also daß man ihm kennen und sich vor ihm hüten möchte : Weil sie aber ihiger Zeit nimmer solche lange Haar tragen / so soll man ihnen dafür die Ohren abschneiden / das man sie vor andern kennen möge. Cæterum pœnam hanc stigmatis hodie adhuc in usu esse, refert Zobelius in differentiis Jur. Civilis & Saxonici, verbis : daß nach Gelegenheit der Verbrechung solche Brandzeichen sollen gesprochen werden. per cap. 3. X. de crim. fals. & Fachl. diff. 66. Reinhard. p. 2. diff. 7.

§. XIX.

Homicidarum pœnam quoque stigmata fuisse §. seq. dicemus. Hic Fericidarum derer Wildprets : Diebe brevem mentionem ut injiciamus operæ pretium erit, quos quippe hodiernum stigmate puniri docet Wehnerus in *Observat. Pract.* & Besoldus in *contin. Thes. Pract. voce* : Brandmahl. Licet non negem exemplum hujuscemodi stigmatis pœnæ in fericidis mihi nullum constare, bene a. gladii pœnam hoc in delicto & multo esse communioem & multo usitatioem; quandoque etiam eam, daß ein Mensch lebendig auff den Hirsch geschmiedet werde; quæ pœna tanquam horrenda & neque civilibus neque Divinis Legibus unquam conformis, haud immerito a plerisque improbatur. Magos item & Lamias à Patrono suo diabolo stigmate notari, multorum firma est opinio, De qua quid sentiendum infra in Sect. posterioris Q. Q. videbimus.

Homicidæ
Fericidæ,

ambrosius
al. servilis

Magi,
Lamiae,

§. XX.

Character qualis inuratur facinerosis nunc perpendendum venit. Serviles notæ triplicis fere generis fuere; nimirum vel

Inuruntur
(1) vel licet
ræ,

puncta

puncta, vel *signa* sive imagines, vel *litera*. Literæ pro criminum varietate variæ erant; prima enim delicti litera communiter inuri solitum erat. Sic Furi literam F. impressam fuisse, Pancirollus tradit, quæ eadem litera, secundum jus commune & Falsarii est. Huic autem secundum consuetudinem & Praxin in Francia receptam liliū inuritur P. Gregor. *lib. 36. Syntag. cap. 5. n. 7.* & Petr. Rebuff, *in l. hominis 152. versu: in facie ff. de v. s. & ad Const. Reg. tract. de lit. obligat. art. 1. Gl. 6. n. 4. & seq.* Ceterum illud hic quoque noto, non ubique locorum literam furum fuisse τὸ F. sed nonnullis in locis τὸ T. gerere istos debuisse, uti ex Luciano notum est. Et ex Polydoro Virgilio L. 26. hist. Anglic. constat, ab Henrico VII. esse statutum, ut furibus (qui *Theefe* vocantur) T. inureretur in palma sinistrae manus sub pollice: homicidis vero (quos appellant *Murdure*, vel *Muntre*) M. quam consuetudinem docet à Gallis esse desumptam. Servos item Fugitivos litera F. vel Φ. in fronte notatos fuisse, ex antiquitate refert Pignorius *de Servis p. 14.* Porro Delatoribus litera D. Calumniatoribus litera K. vid. §. XVII. supra, Polygamis in Hispania litera P. vel Q. vid. §. XVI. supra, inscribebantur.

§. XXI.

Interdum
integræ sen-
tentiae,

Nonnunquam non unica tantum litera, sed integræ sententiae in facie efformabantur. Cedrenus de Constantino narrat, eum devictis Armeniacis, hunc titulum inscribi iussisse: *Αρμενιανὸς ἐπιβυλαῖς*. Sic idem Cedrenus & Zonaras *Cap. 3. Annal.* referente Baronio *in notis ad martyrolog.* d. 22. Decembr. annotarunt, duos monachos, Theophanum, & Theodorum, (quod liberius Theophilum Imp. monuissent) epigrammate duodecim versuum conscriptos fuisse. Add. Osterman. *de Stigmat. sect. 4 vers. 8.* Ex quibus liquet, id quod & Petronius disertis verbis affirmat, per totum vultum versus fuisse perscriptos, Ita n. ille:

Imple-

Implevit Eumolpus frontem utriusque (Eucolpii & Gytonis) ingentibus literis, & notum fugitivorum epigramma per totam faciem liberali manu duxit. Erat id epigramma forte huiusmodi, inquit Lipsius: *Cave a Fugitivo: Lib. 2. Elect. cap. 15.* Cui assentitur Taubmannus ad Plauti *Casim. act. 2. scen. 6.* Sed unde hæc hauserint, non addunt. Pignorius sæpe laudatus eadem verba fugitivorum frontibus inusta putat, quæ in eorum collaria, & æreas lamellas incisa erant, quarum unam ipse Pignorius Romæ se vidisse ait, hac inscriptione: **TENE ME, QVIA FVGI, ET REVOCA ME DOMINO MEO BONIFACIO LINARIO.** Denique & Aquarios nomine Imperatoris fuisse inscriptos supra §. VIII. diximus. Ambrosius de obitu Valentiniani dicit: *Charactere Domini inscribuntur & servuli, & nomine Imperatoris signantur milites.* Et quidem militum manibus notas nominis Imperatorii impressas fuisse ex *titt. Cod. de Aqueduct. & de Fabricens.* probat. *J. Lipsius de milit. Roman. L. 1. C. ult.*

§. XXII.

Signa quæ imprimebantur, varia erant. Athenienses Samiis captivis Samanum, hos illis Noctuum inuisse, supra §. XIV. vidimus. Christianos crucis signum in fronte inustum gessisse, refert Tertull. *L. 2. ad Uxor. Cyprian. contra Judæos c. 21. vide supra §. IV. sect. priori.* Et Rex Ægyptiorum Ptolomæus Philopater, cum decrevisset Judæicam gentem publica notare ignominia, *Maccab. L. 3. c. 2. v. 26.* mandavit eorum, qui nomina in censu fuerunt professi, corporibus pro stigmate *Insigne Bachi, folium hederae* inuri *d. c. 2. v. 29.* Quandoque Equi signum imprimebatur. Plutarchus in Nicia. It. Vulpis aut Simiæ typus. *Pignor. de servis. p. 20.* Nec minus hodie pro diversitate delicti & consuetudine cujusque loci variant. Sic Groenvegan *ad l. 17. cap. de pæn.* in regionibus Belgicis obtinere ait, ut cujusve civitatis insigne, non in fronte

D

qui-

quidem, sed in rei tergo aut manu inuri soleat; nisi poena talionis aliud exigat; atque ita quendam, qui dedita opera alicujus faciei vulnus inflixerat, post publicam fustigationem supplicii similitudinem subiisse ex sententia Scabinorum Delphensium lata 20. Dec. 1628. refert cit. loco. Porro sicuti hodie in Gallia frontibus reorum liliū, sic in quibusdam Germaniæ locis, simili modo cujusque Domini Territorialis insigne, vel etiam patibulum, rota, gladius aut virga inuitur. Tertium notarum genus, erant PUNCTA. De quibus cum frequentissima fuerint, & stigmata speciali hoc vocabulo indicata, nihil dico.

(3) vel pun-
ctā.

S. XXIII.

Quomodo
stigmata
obvelantur

Illud tamen hic monuisse, non alienum erit, servos facie ita deformatos, non solum frontem capillo obvelasse, id quod Athenæus *L. VI. cap. 2.* ex Diphilo hominem sine nomine, qui comam Deo se alere ajebat, insectante, refert his verb.

*Verum hic quidem est omnium scelestissimus
qui primum alere se comam ait*

*Deo sacram: Non ea tamen causa est, sed quod
iniustam punctis frontem capillis obvelat.*

Et Barclajus in Euphorm. Satyric. part. 1. p. m. 114. *Cogita-
bam fronti literas esse, quas crinis utcunque celabat, velo
ut in obviis nec cogitantes fideli, ita in curiosos & scrutan-
tes imbecillo: sed & spleniis obtexisse, de quibus celebris est lo-
cus apud Martialem L. 2. Epigr. 29. Cum enim Martialis, nescio
quem liberum se & fortunatum mentientem, carmine insectare-
tur, Ruffum monuit, ut personam fronti detraheret; latitare
enim sub ea servum, eumque inscriptum, & pro nequitia litera-
tum; Hujus porro frontem numerosis spleniis insignem ut respi-
ciat hortatur, concluditque,*

Ignoras qui sit? splenia tolle, leges.

Ho-

Hodie ulterius progressam esse hominum sagacitatem perhibent. Volunt namque illiusmodi furciferi, nota publica signati, ut deformata illa cutis pars rescindatur, & vulnus carne gallinacea obducatur, Sie lassen das Fleisch von einem Huhn in die Wunden heilen/ vel a carnifice vel ab alio impetrare.

S. XXIV.

Restat ut videamus, quomodo, & in qua corporis parte stigmata inurantur. Illud fiebat candenti ferri lamina, quam Palladius & Hippocrates καυτήρα appellant, Lucianus & Plutarchus καυτήριον. Unde Juvenalis:

Uritur ardenti duo propter lintea ferro.

Et Gunth. Ligor. Lib. 5. v. 526.

Armiger exusta candenti fronte metallo

Detonsaque coma &c.

Porro & acta Lindav. pag. 827. *Ferro candenti bene caraxetur, h. e. notetur, stigmatizetur.* Post inuisionem vero atramentum subinde causticis sulcis infundebatur, ut liquidius causa notæ legi & cognosci possit. Ita apud Zonaram *supra cit. loc.* monachis illis non solum Jambi inusti, sed & atramentum in notas infusum est. Pulcherrime modum inurendi stigmata nobilibus Tracibus, quorum supra memini S. VII. describit Arniseus Lib. 1. Polit. c. 5. sect. 10. num. 28. dum inquit: Hic opifex minutis acus punctis expressos nativi graminis succos includebat, ut hæc ad sui specimen cicatrices ferat pictis artubus maculosa nobilitas. Quomodo Equitum Hierosolymitanorum brachiis imprimantur supra, d. S. VII. in fin. vidimus. Quali autem modo artificiosissimo & curiositatis pleno steganographicum arcanum (quo duo Amici toto orbe sejuncti omnia animi sensa celeriter plene & plane invicem communicare possunt) stigmatibus brachiis insculptis & sulcis utriusque Amici sanguine immixto, perficiatur, quia extra scopum

Quomodo
inurantur?

pum nostrum est; hic recensere supersedeo, & potius L. B. ad magni quondam Polyhistoris B. Wagenseilii *Exercit.* 6. remitto, qui ex professo *Exerc.* 2. hoc fuso, accurate & ingeniosissime pertractavit. Illud interim, ut in viam è diverticulo redeamus, in modo inurendi adhuc monere fas erit, quod nonnunquam cuti & carni alte imprimebatur, ut sanguis fluere; nonnunquam vero character non ita profunde imponebatur, ut sanguinem eliceret, sed cutis superficies tantum deformabatur, idque semper secundum atrocitatem delicti, ut notat Glossa *ad c. 3. x. de Crim. fals.* verbo: *characterem.*

§. XXV.

In qua parte corporis.

Qua parte corporis inurantur, ex dictis hucusque constare poterit. Videlicet in fronte & facie, in cervice, in tergo, in maxillis, in humero sinistro; uti ex Carolo du Fresne Glossar. voce *stigma* constat, in mammis, sub polluce, in brachiis, quod fiebat Fabricensibus *l. 3. C. de Fabricens.* quia hoc membro potissimum usus in fabrica armorum, in manibus, ubi milites scribebantur. teste Aetio *L. 8. cap. 12.* *Stigmata vocant inscriptos in facie vel alia corporis parte characteres, quales & militum manibus inscribuntur, oia (στυματα) τῶν στρατευομένων ἐν ταῖς χερσὶ.* In furis, quod in specie in *l. 17. C. de poen.* indicatur, & in omnibus denique corporis partibus ad inurendum aptis, Höpping. *de Jure insign. c. 18. n. 239.*



SECTIO POSTERIOR

Proponens

varias circa Stigmata quaestiones.

Qu. I.

Nunc ordo postulat, ut quaestiones, quae circa haec stigmata & stigmaticos moveri poterunt, excutiamus. Quæritur igitur primo: An stigmata fronti cauterio imprimere sit licitum, & de Jure defendi possit? Dd. in diversas absunt partes. Qui negativam defendunt, nituntur. *l. 17. C. de pœnis*, ubi: *Si quis in metallum fuerit pro criminum deprehensorum qualitate damnatus, minime in ejus facie scribatur, cum & in manibus & in suris possit pœna damnationis una inscriptione comprehendi: addita ratione: quo facies, quae ad similitudinem pulchritudinis cœlestis est figurata, minime maculetur.* Hujus legis, & Glossæ, quæ in fine ad eam: *Non esse, inquit, quem bullandum in fronte,* (cui & Gloss. *c. 1. vers. ipso facto extravag. de sepultur.* assentit) auctoritate adductus cum Wesenbeccio ad *Tit. de pœnis n. 7.* Mynsinger. *Cent. 2. Obs. 46.* concludit, hanc pœnam illicitam esse, nec observandam, etiamsi per statutum imponatur, quem sequitur Marant. *in Specul. part. 4. dist. 2. judic. num. 8. & 9.* imo & statutum prorsus non valere, quod talem pœnam infligat, tenet Alex. *in addit. ad Barthol. in leg. 44. ff. de religiosi.* Contrarium vero asserit, & pœnam inurendi in fronte stigmatis licitam esse communis Dd. sententia statuit. Ad hunc itaque disensum tollendum ante omnia cit. legis tenorem rectius percipiamus oportet. Vbi ab initio statim videndum, quid Imperator-

rem ad legem hanc sanciendum adduxerit. Sane Legis divinæ *Deut. 14. v. 1. & Levit. 19. v. 28.* reverentia, qua Hebræi in universum prohibentur ullam corporis partem notare, eum movere nec poterat nec debebat; ea enim lex ad damnatos scelerum non pertinet. vid. *Mathæ. de Crim.* Hinc Salmuth. *ad Guidon. Panciroll. rer. memorab. & deperditar.* Constantinum ideo eam dedisse, putat, quia caput sive facies principale & potissimum hominis membrum est, unde cujusque imago cognoscatur *l. 44. ff. de relig. & sumt. funer.* ut merito gravior injuria æstimari debeat, si quis facie, quam alia corporis parte fuerit notatus *l. 16. §. qualitate ff. de pænis §. atrox. Inst. de Injur.* Alii, quos inter & Gonzalez Tellez, causam impulsivam promulgationis hujus legis fuisse autumant Osum, Cordubensem Episcopum, quem cum in Synodo Nicæna Constantinus stigmatibus deformatum vidisset, statim constitutionem hanc edidisse fertur, uti refert Nicephorus *L. 8. Histor. Eccl. cap. 14.* Propterea Groenewegen *ad d. l. 17. C. de pænis*, quod ratio legis appositæ minime sit adæquata, aliam, & ut scribit meliorem hujus prohibitionis rationem excogitavit, ne scil. stigmatibus maculatæ faciei deformitas obviis forte & maxime prægnantibus horrorem incuteret, & immaturo partui officeret. Deinde curatius expendendum, cur Constantinus dixerit, faciem hominis ad similitudinem pulchritudinis cœlestis esse figuratam. An quod os homini sublime sit, (ut inquit Matthæus *de Crim.*) & erecta ad cœlum ferat lumina, cum bestię terras pronæ spectent? An quod sedes animæ, divinæ istius particulæ præcipua, caput, interpres ejusdem oculi & vultus? An quod filius Dei unigenitus faciem hominis & corpus assumeret, latueritque sub humana specie cœlestis pulchritudo? Nihil horum est, quod ad unguem satisfaciat: Similitudo enim cœlestis pulchritudinis non in corpore, sed in anima residet. Etiam si enim dicatur
homo

homo a Deo creatus ad ejus similitudinem *Genes. I.* id tamen non secundum lineamenta corporis & formam externam, (id quod Anthropomorphitæ voluerunt hæretici, statuentes, Deum per omnia homini esse similem, vel Deum ad similitudinem hominis habere membra humana & facultates humanas) sed secundum animæ qualitatem & formam internam intelligendum. Adeoque hæc hominis cum Deo similitudo consistit in internæ pulchritudine sive conformatione virium animæ cum Deo & ejus leges in justitia & vera sanctimonia *Coloss. III. 10. Ephes. IV. 24.* nec non in Imperio in omnes creaturas *Genes. I. 26.* scilicet cum omnibus creaturis præest, quemadmodum Deus omnibus dominatur vid. D. Ambrosi. in *Instit. Virg. cap. 3.* verbis *ad imaginem Dei interior est homo.* Euchar. in *Gen. I. I. cap. 8.* ubi inquit: *in interiore homine est Conditoris sui imago: imago in immortalitate: Similitudo in moribus.* Cassid. in *Psal. 38.* Beda in *Gen. cap. I.* & in *Job. lib. 3. cap. 7.* Calvin. *Instit. l. 1. c. 15. n. 3. & seqq.* Pet. Martyr. *Loc. commun. loc. 7. de creatura homin.* Steph. Szegedin *Loc. commun. de imag. Dei Amel. medul. Theol. l. 1. c. 8. n. 46. & seqq.* Quibus adde quæ dicit Bajard. in *addit. ad Clar. §. fin. qu. 70. n. 1. 2.* & Matthæ. *de Crim. l. 48. tit. 18. c. 1. n. 11.* Si enim secundum formam externam, hominem ad Dei imaginem fuisse creatum asserere vellemus, sequeretur, Deum tot tamque variis formis esse præditum, quot sunt homines, quorum neuter alteri secundum lineamenta similis est. Adhæc, quod omnes pene sententiæ negativæ nervos incidit, Justinianus Imp. in *Nov. 5. princ.* textum sacrum *Gen. I.* de imagine interna interpretatur. Cui assentiunt omnes omnino Theologi, qui videantur. Ex JCtis consentiunt Borell. *c. 8. n. 448.* Dalnerus *de Jure hom. part. 5. n. 9.* & ibi magno numero citati. Ex his itaque firmiter concludimus causam, propter quam stig-

mata

mata inurere prohibitum, adeoque etiam legem huic rationi superstructam plane inadæquatam, poenam vero stigmatis licitam, Imp. vero Constantinum hinc humani quid passum esse; nec ququam Legislatorum in Imperio aliisve Rebuspublicis ad observantiam huius legis adstringi. Atque in eo consentientem præter innumeros alios habemus Rittershusium in *differ. J. Civ. & Can. p. 462*. Stigmatis autem poena (1) alias neque juri Divino vid. *Exod. 21. v. 24. & Levit. 24. v. 19. 20.* ubi effossio oculi permittitur, (2) neque Juri Civili est contraria *l. 1. §. fin. ff. de fugit. l. locum 17. §. R. in fin. ff. de Usufr.* Cajus lib. 1. *Instit. tit. 1.* Imo (3) sine distinctione permittitur Jure Canonico *c. 3. X. de crim. fals.* vid. Dalner. de *J. H. p. 5. n. 10*. Amplius (4) & secundum Consuetudinem Germaniæ, & Praxin Galliæ, Hispaniæ & Angliæ secus observari *l. 17. de pænis* facinerososque, in specie desertores, fericidas, fures in Saxon. aliosque plures, in hunc modum punitos esse novimus v. *Brandenburg. Kriegs-Recht p. m. 625*. Wehner. & Besold. *Pr. Obs. voce Brandmal. Reinh. diff. 66*. Fachs. *p. 2. diff. 7* Matth. Wesenb. *comm. digest. tit. de pæn. n. 7*. Jul. Clar. *qu. 70.* & sexcentos alios.

Qu. II.

Stigmata hominis faciei ob facinora recte & de jure inuri posse, ex hætenus dictis satis superque certum est. Nunc quaestio, ab iis, qui *l. 17. C. de pæn.* vim obligandi hodie etiam adhuc habere contendunt, formari solet: Utrum non dispositio legis in foeminis cesset? Cum nonnulli Scriptorum autument, foeminam non æque ac masculum ad Dei imaginem esse conditam. vid. Andr. Liban. de *univers. & orig. rer. lib. 7*. Cujacius certe & aliqui eum secuti eas ex numero hominum plane sublatas volunt, *l. 38. §. 5. ff. de pæn.* quorum tamen nugas alibi satis refutatas videre est. Hac vice de imagine Dei videamus. Argumenta quæ

quæ quibusdam anſam dederunt contrarium ſtatuendi, extant *Gen. 1. verſ. 26. & ſeq. ibi: creavit Deus hominem ad imaginem & ſimilitudinem ſuam, ad imaginem Dei creavit illum*: quæ verba de ſolo maſculo intelligi volunt, & *1. Cor. II. v. 7. item c. 33. qu. 5. can. hac imago*; 13. & *c. 33. qu. 5. can. mulier. 19.* ubi expreſſe dicitur mulierem non eſſe factam ad ſimilitudinem Dei. Sed ſalva res eſt. Fœminæ æque ac mares ad ſimilitudinem & imaginem Dei creatæ ſunt: quod tamen ad text. *Gen. I. v. 26. & ſeq.* attinet, ſtatim ſubjungitur, *maſculum & fœminum creavit*. Deinde *Gen. 2. verſ. 18.* ipſe Deus dixit: *Non eſt bonum hominem eſſe ſolum; faciamus ei adiutorium ſimile ſibi*. Certe Ambroſius in *exhortat. ad Virg.* ſcribit; *ſcire debet, ſive vir, ſive mulier, quia ad imaginem Dei eſt & ſimilitudinem*. Cum quo concordant omnes oninino Theologi, quos ad cit. loca ſacra vide. Ex quibus ſatis luculenter patet, *l. 17. C. de pœn.* ex mente Imp. etiam fœminas tangere: ſed de his plura dicere ſuperſedeo; quoniam enim legis huius nulla amplius hodie eſt obſervantia, uti in priori quæſtione dictum, idcirco nullum eſt dubium, quin pœna ſtigmatum in fœminis æque ac maribus locum inveniat.

Qu. III.

Ob analogiam ſtigmatum ſtatim ſubjungenda venit: An ſcilicet in deſertoribus & militibus fugitivis abſciſſio naſi & aurium ſit licita? Negat cum aliis Joſephus Burger, *Cent. 2. Obſ. 88.* ac de ſe teſtatur. quod tanquam Auditor oder *Regiments Schult-Heiſſ* nunquam in hanc pœnam toti juri diſſentaneam conſenſerit, ſed ſemper ſuos officiales judicio militari aſſidentes, eo diſpoſuerit, ut aliam aliquam pœnam magis ſanam ac rationabilem elegerint; quoniam videlicet deteſtabile admodum ſit animadverſionis geſus, naſum, auresque abſcindi, & per carnificem publico in loco affigi. Fundamentum huius aſſertionis negativæ po-

E

nunt

nunt in *l. 17. C. de pœn.* à minori ad majus ita inferentes : Si stigma in fronte prohibitum est inurere , ne facies hominis maculetur , multo magis abscissio nasi auriumque , quæ faciem non tam foede maculat quam detestabiliter mutilat , prohibita censetur. Enimvero affirmativa mihi probabilior videtur. Cum (1) illa lex jam in prima qu. sit examinata , ejusque apposita ratio dudum à Doctoribus explosa , ideo quia ratione hanc pœnam tollere queat , non video. Deinde quod (2) magis est , si excœcatio *Exod. 21. v. 24. Levit. c. 24. v. 19. 20.* admittitur , certe argumento hor. locor. & abscissio nasi & aurium non prohibita dicenda. Ut (3) nihil dicam de observantia hodierna contraria in Germania , Gallia &c. v. *Corpus Juris milit.* passim & Gloss. des *Sächs. Landrechts Lib. 2. art. 13. §. 6.* quæ hanc pœnam expresse dicitat. Ad hæc (4) ut alii deterreantur , ad exemplum , cum primis in rebus militaribus , multa permittuntur , quæ jure ordinario duriora habentur. vid. *Obrecht. Disp. de disciplina militari* à thes. 1075. usque th. 1094. ubi varias desertorum pœnas enumerat , & Cujac. *ad l. fin. C. de desertor.* Sic Ayala *lib. 3. de Jure & offic. bellic.* memorat ex Vulcat. Gallican. cap. 4. quod Avidius Cassius multis desertoribus manus exciderit , aliis crura ac poplites inciderit , dicens : majus exemplum esse viventis miserabiliter criminosi , quam occisi. Quid ? quod & malitia hominis studio & proterve peccantis membrorum mutilationem , quam ipsius vitæ amissionem , durior pœnam reputet. Notabile non minus quam recens exemplum est , quod cum coram summo quondam militiæ Præfecto , Generali Campi Marechallo Comite de Thungen , aliquot milites , qui signa nefarie deseruerant , se defenderent , & unus eorum hanc delicti sui commissi rationem & excusationem afferret : se scire pœnam laquei in ejusmodi delinquentes constitutam esse ; ideo tædio vitæ se deruisse signa , & hanc sibi irrogari quam maxime optare. Huic vero

vero Campi Mareschallus omnium elogio major, ne voti compos fieret nefarius iste homo, omniumq; ludibrio vitam miseram ulterius produceret, nasum auresq; amputari iussit. Coronidis loco hic moneo, etiam olim hanc poenam observatam fuisse, Leonemq; Imp. jam adulteris nasum præcidi sanxisse in Nov. 32. Imo hanc poenam etiam jam Ægyptiorum lege in mulieres solas constitutam, apud Diodor. Siculum lib. 2. *Bibliothec.* extat. Lepidum huc transferri Martialis meretur epigramma, quo deridetur, qui uxoris suæ mœcho nares absciderat, qua tamen corporis parte nihil fuerat peccatum :

Quis tibi persuasit nares abscindere mæcho?

Non hac peccatum est parte, marite, tibi.

Stulte, quid egisti? nihil hic tua perdidit uxor,

Cum sit salva sui mentula Deiphobi.

Qu. IV.

An hac stigmatis poena etiam hodie homines proprii temerarie fugientes, sint afficiendi? Gaillium l. 1. l. 2. l. 3. ff. & l. 2. C. de fugitiv. ductum fuisse affirmative decidendi quæstionem hanc, supra §. X. in fin. sect. prior. diximus. Cujus verba in Tr. de Arrest. Imp. c. 8. n. 18. huc non possum non apponere. *Quandoque, inquit, hoc (quod nempe an fugere soleant) malitiose, non Dominorum scvitia, aut intolerabili eorum imperio, vel loci sterilitate, sed potius inobedientia, & vini inopia fieri solet. Sicut multos vidi ex Suevia, agro frumenti fertilissimo in Austriam vini feracissimam, & rerum omnium copia abundantem, profugisse, & ibidem inter mercenarios, in popinis, tabernis, vinariis quotidie otiose conversatos fuisse, non necessitati, sed desidia & ignavia sua consulentes, digni ut à Praside provinciae vom Statthalter/ ex officio castigentur, & ignominiose etiam cum notis publicis, & stigmate, Brandzeichen/ dimittantur, ut ab aliis cognoscantur, & ipsis sint exemplo & terrori per text. in l. 2. C. de serv. fugitiv. & in l. 1. & in l. 2. & L. Divus Pius ff. cod. tit.* Hæc ille. Cui tantæ Autoritatis

viro, præcipue si circumstantiæ ita sint comparatæ, ut tanta reu^s affici poena dignus reputetur, merito calculum adjicimus. Licet non negem, arbitrariam hic alias solummodo poenam obtinere, cum nulla certe vel ordinaria hodie lege quadam publica sit statuta.

Qu. V.

Annon poena in Clericos falsarios c. 3. X. de Crim. falsi constituta, justo sit rigidior? Negative decidenda erit. Etiam si enim ad memorabile illud cap. 3. Gonzalez Tellez rationes dubitandi tres apponat, dicatque (1) non recte in præsentî pro uno delicto, videlicet falsitatis, plures poenas, degradationem, inuisionem & exilium, imponi; sicuti enim Dominus noster nunquam vindicavit bis id ipsum, ita nec ecclesia pro uno reatu plures imposuit poenas c. 24. Apostol. c. 39. §. His. de pœnit. dist. 3. (2) poenam hanc inuisionis sive impressionis characteris sanguinis effusionem continere contra cap. 9. X. Ne Cler. vel Monachi &c. cap. 4. X. de Raptor. & cap. 30. caus. 23. qu. 8. (3) eam esse contra l. 17. C. de pœnis quæ stigmate maculari faciem hominis expresse prohiberet, (4) obstare huic cap. 3. de Crim. fals. cap. 7, eod. ubi Innoc. III. nullam poenam characteris impressionis meminit, sed statuit, Clericos falsum committentes circa literas Apostolicas, à suis ordinibus esse degradandos, & judici seculari tradendos, ut ab eo debitis afficiantur pœnis. Attamen respondetur ad (1) dubitandi rationem, *bis non esse vindicandum unum delictum*: hoc procedere quando una poena sufficiens est ad puniendum delictum, alias ob ejus gravitatem plures injungi solent, uti in cap. 5. §. fin. in fin. ut lit. non contest. cap. 1. de calumniat. cap. 4. de Raptoribus. Inde, præcipue cum falsi crimen inter graviora numeretur. l. 3. §. 1. ff. de Decur. haud mirum, quod propter sceleris gravitatem Clericus circa sigillum Principis falsarius variis coerceatur poenis

pœnis. Ad (2) regeritur, quod in Clerico character non ita profunde imponi debeat, ut sanguis eliciatur, sed tantum ut cutis deformetur in signum tanti criminis, (*vid supra* §. 14. *sect. pr.*) uti recte notavit Glossa hic: verbo: *characterem*, quam sequuntur omnes Repetentes. Atque hoc modo ex hac pœna sanguinis effusio non sequitur. Quod ad (3) & quidem obstantem *l. 17. C. de pœn.* attinet, laudatus Autor illam haud adversam esse dicit. Dum enim Urbanus III. *cap. 3. h.* characterem imponi jussit Clerico simpliciter sine denominatione partis alicujus in corpore, putat non præcise in facie illum inurendum esse, sed in aure vel alia corporis parte. Licet Grœnewegii judicio, quod & verius est, ex *d. c. 3.* magis concludi possit, de jure Canonico in quacunque corporis parte reis s. Clericis s. Laicis characterem licitum esse imprimi. Idcirco melior responsio ad 3. rat. dub. est, quæ in qu. 1. supra reperire est, quod scil. lex illa non amplius obliget, multo minus vero capitulo h. derogari possit. Ad (4) denique respondetur: Clericus falsatorem literarum Principis gravius puniri, quam literarum Apostolicarum Corruptorem. Adeo ut ex *cap. 3. & 7. de Cr. fals.* nulla contrarietas, sed sequens deduci possit assertio: Clerici Falsarii literarum Apostolicarum deponuntur ab officio & beneficio, & si circa sigillum Principis falsum admiserint, degradati & stigmate notati in exilium mittuntur. Jure itaque summo hæc stigmatis pœna in Clericos falsarios licita erit, quam & in Gallia obtinuisse, confirmant Jac. Gothofr. *ad l. 2. C. Theod. de pœn.* exemplo insigni relato Præsidis quondam Tholosæ in fronte stigmate inusti, inque insulam relegati, ob falsam inquisitionem factam. & Gregor. Tholos. *Lib. 36. c. 5. n. 7.* his verbis: *Solent in Gallia, qui falsarunt sigillum regium, catamidiari, & post fustigationem stigmate lilii inuri in fronte, & exilio vel deportatione affici, bonis Cancellario regio adjudicatis vel multa olim,*

Papo lib. 22. Rhaps. Arrest. tit. 12. art. 1. 2. 3. hodie autem Regi, ex regio edicto promulgato A. 1522. Pœna quoque hac in Clericis observanda, precedente tamen inustionem ex auctoritate seu degradatione ex Rescripto Urbani Papæ in c. 3. x. de Crim. fals. Quem morem tamen hodie in Clericis prorsus exolevisse dicit cit. Gothofr. & ex Autumno Grœnvvegen de LL. abrogat. ad l. 17. C. de pœn.

Qu. VI.

An relegati possint signari nota in fronte inusta? R. re absolute considerata, dicendum esse, relegationem, notationem stigmatis non admittere; cum enim relegatio jure moderno sit pœna civilis, non criminalis, de jure Romano vero hujusmodi exilii genus imponebatur salvo jure civitatis l. 4. l. 7. §. 3. de interd. & relegatis. quapropter & Ovidius l. 5. trist. dese:

Ipse relegatus non exulis utitur in me

Nomine:

& alibi:

Quippe relegatus non exul dicor in orbe.

vid. Venerand. Parent. Paraph. & Com. ad §. 2. J. quib. mod. Jus patr. pot. solv. Hinc hoc modo considerata relegationis pœna nec infamiam nec inustionem stigmatis secum trahere potest, cum pœna non, sed causa infamet. At enim vero si delictum sit perpetratum, quod infamiam importet, atque adeo delinquens tali relegatione, quæ ordinaria esse debet gravior, puniendus, quis dubitat, quia causa pœnam aggravat, & hic locum invenit omnino l. 22. ff. de his qui not. infam. dum sancit: *ictus fustium infamiam non importat, sed causa propter quam id pati meruit, si ea fuit, qua infamiam damnato irrogat.* In cæteris quoque generibus pœnarum, eadem forma statuta est, & infamia & stigmatis nota reum tunc affici posse. Quemadmodum enim ab grande quoddam scelus relegationi potest fustigatio, vel alia corporis afflictiva accedere. vid.

vid. Carpzov. *qu. 135. n. 6.* quidni & stigmatis iniustio. Et hoc in delictis militum non solum, sed & aliorum furum scil. & illorum qui contra Urphedæ fidem revertuntur, locum habere, experti juris est; cum huiusmodi poenæ omnes ex arbitrio Judicis solum dependeant.

Qu. VII.

An saga a diabolo stigmate notentur? Et an, si ejusmodi signa adsint, inde magiæ vel pacti cum diabolo indicium sit præsumendum, ob quod Inquisitio instituenda? Sunt graves Authores Practici, experientia testantes, qui perhibent, diabolum, si metuatur, ne magi cultum ipsius deserant, certas notas eorum corporibus imprimere, interdum satis conspicuas, ut in dextro humero, aut in femore, post aures, aut etiam in fronte summa, in occipite, in pectore; interdum minus conspicuas, in locis absconditis, vel sub labiis, axillis, palpebris, vel in sede ima, foemina quandoque in mammis, aut muliebribus locis; & has notas certam quandam formam aut vestigii leporis, aut bufonis pedis, aliquando araneæ, vel catelli, gliris, aut alterius habere. Bodin. *Damonom. lib. 4. c. 4. p. 369.* Godelm. *l. 3. cap. 3. n. 26.* Qui locus diabolico stigmate notatus ita exsanguis esse dicitur, ac sensu labefactatus, ut ne admissa quidem acus altissime, dolorem faciat, aut sanguinem minimum efficiat: Gödelman. *cit. loc.* & Carpz. *Pr. Crim. p. 1. qu. 38. n. 51.* Certe Paul. Zachias *L. 7. Q. 2. medico-legal. tit. 4.* fuse probat Cacodæmones, ubi Christianos insidiosis artibus a recto vivendi tramite ad sortilegas artes & occulta veneficia traduxerint, eos quasi captivos notis quibusdam in secreta corporis parte consignare. Comprobat id porro decem Sagarum exemplis Petr. Osterman. *Commentar. ad L. 3. Stigmata C. de Fabricens. sect. 8.* ex Nicol. Remig. *Lib. 2. Damonolatr. cap. 1.* ubi addit; postquam a saga confessum, a dia-

diabolo hanc notam esse; sibi in mentem Δ enisse, experiundi verumne esset, quod de ejusmodi stupore ferebatur. Ergo jussisse in eam aciculam penitissime infigi atque inculcari. Quod cum in satis magna hominum frequentia esset factum, & incruentum omnino vulnus apparuisse, & nullum sagam doloris vel minimi indicium adspicientibus dedisse. Ut taceam plura ex pluribus. Sed hoc ipsum est, de quo alii vehementer dubitant, dicentes, hanc pote statem ejusmodi stigmata inurendi diabolum minime habere; & si habet Dei permissione, sequi, quod eadem permissione non sagis solum, sed piis etiam Cacodæmon characteres inurere possit, sicuti Jobum ulceribus obruit. Deinde etiam signa si talismodi in corpore humano reperiuntur, semper esse naturalia vel alia de causa sæpenumero etiam homini ipsi ignota, orta. Quorum in sententiam plane me descendere, non inficias eo. De qua tamen in seq. qu. plura.

Qu. VIII.

Ad alteram quæstionis propositæ partem quod attinet, An nimirum ex talismodi signis magiæ vel pacti cum diabolo indicium sit præsumendum, ob quod inquisitio sit instituenda? Eam non quidem disertis verbis, re tamen ipsa male affirmare Carpzovium in *Pr. Cr. p. 1. qu. 48. n. 51.* Just. Oldenkoppius in *Tract. duobus contra Carpzov. decad. 3. qu. 10.* asserit, & Bodinus ait: ex his indiciis desumptam præsumtionem esse firmissimam, & cum aliis sufficientem, ut procedatur ad condemnationem. Cui assentit Höpping in hunc modum scribens: *Primo quod talia extent stigmata, novissime in causa W. contra Senatum Civitatis Imper. S. Mandati de non excedendo Constitutiones Carolinas allegatum vidi, ubi carnifex ita deponit: daß er bei angegebener Heren/das rechte Heren Zeichen etwas klein/blau/lebersichtiglich hinten uf der Schultern gefundē/eine spitzige Kluffen eines Bleiß tief einge-*

eingedruckt / dessen Sie im geringsten nicht empfunden /
und als ihr solches in Examine uf ihre hartnäckige Verläug-
nung vorgehalten / zur Antwort geben / wüßte nichts da-
von / es müßte ihrs der Meister selbst also dahin gegau-
ckelt haben. *Hoc stigma Diabolicum Rea Advocatus naturalem*
dicebat esse maculam, sed quia sensu & dolore in pungendo desti-
tuebatur, pro supernaturali & magico habendum. Atque ob id
Secundo predictus Senatus Civitatis Imp. S. ad Ictorum, Fribur-
gensium, pro confirmatione sua sententia Remig. tract. de Da-
monolatr. cap. 5. allegantium Responsum de dato 28. Sept. Anno
1629. secundum ea, quæ proposita fuerunt ad torturam indicium
esse respondentium, Ream W, pro eruendo crimine questioni juxta
l. 1. & t. t. ff. de Quæst. subjecerunt. Li autem qui ejusmodi stig-
mata infallibilia magiæ signa judicant, sequentibus utuntur ar-
gumentis: (1) Quod stigma tale evidentem dissimilitudinem ab
omni carne naturaliter vel vi morbi exsanguî habeat. (2) Quod
reperiatur sine ullo foetore aut putredine, quæ tamen commu-
niter in carne exsanguî & insensibili observatur. (3) Quod sit cir-
cumdatum carne viva, & in omni corporis parte reperiatur, cum
tamen ejusmodi caro exsanguis plerumque corporis occupet ex-
tremities. (4) Quod induret pellem, secus ac caro naturaliter e-
mortua. (5) Quod stigma s. caro emortua diaboli opera nunquam
impediat usum membrorum, quem caro naturaliter mortua adi-
mit. Quodque insuper (6) caro naturaliter mortua nunquam in tam
exigua quantitate, qua stigmata, reperiatur, sed semper sensu perco-
ptibilis sit, quod secus instigmatibus, quæ interdum videri nequeunt,
vid. Stryk. *de Fur. sens.* ibique alleg. Osterman. *sect. 9.* Sed quic-
quid horum sit, verior & rationabilior negativa est, pro qua utar
Oldenkoppîi optime totam rem exprimentis verbis: Initio est
observandum, maculas seu stigmata in corpore humano dici vel
F visibi.

visibilia, vel invisibilia. Visibilia possunt esse naturales notæ, vel in utero materno (quod fit sæpissime) maculæ quædam receptæ & cum homine natæ, vel cicatrices, vel locus alia de causa sensus expers, veluti caro spongiosa, vel etiam cicatrices, quæ ex prægresso aliquo morbo relinquuntur, quæ a variolis, morbillis aliisque pustulis, tumoribus, vulneribus, aut ulceribus remanere solent. Vid. omnino hac de re Paul. Zachias *in quest. medico-legalibus lib. 7. tit. 4. qu. 1. n. 5. & 12.* Talia pro indiciis magorum habere, tam ineptum est, quam iniquum. Et quis dubitare velit, ejusmodi opinionem, omnes etiam innocentissimos, maculas conatas vel cicatrices habentes in continuo constituere periculo, effectum suum sortituro, quandocunque capiendi corporis denu- dandi & inspiciendi & latrunculatoribus & carnificibus datur potestas. Tunc si licitor s. carnifex in istis locis mortificet carnem captivi, quod medicamentis & aliis remediis fieri posse dubium non est, Paul. Zachias *d. loc. quest. 2. n. 15.* aut eam leviter tantum compungat, vel simulet compungere, vel utatur stylis dolosis, magicis & incantatis, & ita fabricatis, ut cum libet, intrent & vulnere- rent, cum non libet, introire tantum videantur, in se ipsos redu- cti, quales sunt cultelli jocularum; vel carnifices ipsi sæpe ma- gi incantatoria arte sanguinem sistant, & carnis stuporem indu- cant, de quibus exempla recenset Autor Anonym. *in caution. criminal. dubio 43. pag. m. 297. & 298. & dubio 11. pag. 49.* Indi- cium blateratur adesse magiæ, etiam ad torturam, si stigmata sunt invisibilia, & vel indicentur à carnifice, vel ab ipsis magiæ in- quisitis, idque ex cruciatu torturæ, vel ejus metu similiter: iisdem fraudibus carnificum eorumque impositione sunt obnoxii Magi- stratus & Judices. Et etiam si ex acus in locum monstratum immis- sæ punctione non sentiat dolorem captivus, & ille sanguinem non emittat; hoc tamen naturaliter fieri posse, & multa de vanitate & fal-

& falsitate indicii stigmatum sive visibilium sive invisibilium, latius & rationibus optimis demonstrat Paul. Zach. in *2. 2. med. legal. allegat. loc. lib. 7. tit. 4. per tot.* Quibus adde J. G. Gödelmanni *Tr. de Magis Veneficis & Lamiis recte cognoscendis & puniendis Lib. 3. C. 3. n. 28. verbis*: sed hæc indicia inania sunt, absurda & frivola; ideoque rejicienda, nec admittenda. Res itaque ex hætenus dictis satis clara est, ex talismodi signis (præcipue cum secundum Practicorum propriam confessionem signa ea, quæ quandoque quibusdam iterum delentur, non omnibus sagis a Dæmone inurantur, sed illis solum, quarum defectionem metuit, Carpz. *P. Cr. q. 48. n. 51.*) magiæ vel pacti cum diabolo indicium præsumere, vel, quod magis est, inquisitionem instituere, & equuleo veritatem extorquere velle, non tam incertum, quam injustum & nefarium esse. Quamvis Stryckius in *Tr. de Jure sensuum media* incedendum via esse arbitretur, dicens: Non spernenda plane esse stigmata, nec tamen illis tanquam infallibili indicio fides adhibenda. Alia indicia si desunt, hoc ad torturam inferendam inefficax; cum ex certis demum indiciis, non ex occultis & dubitatis ad illam Judex debeat pervenire; stigma enim tale sibi soli relictum non est. Alia itaque, quæ suspectum reddere accusatum possunt, indaganda, quæ sicubi adfuerint, iisque indiciis stigma accesserit, tunc tortura ulterior veritas poterit inquiri. Hoc tamen simul observato, ut Carnifici inquirenti in talia stigmata, vel Scabini, vel Notarius cum testibus adsint, diligenter observantes, ne quid fraudis à Carnifice admittatur.

Qu. IX.

Amplius quæritur: An stigmate notatus testari, vel testamentum condere possit? Licet negativa ex decidendi ratione colligi possit, quod talismodi stigmaticus simul infamis fiat, propter delictum dolosum præcedens *l. 7. ff. de publ. judic.* Infamis

autem eodem cum reliquis jure uti nequeat. Attamen affirmativam defendere judico æquius. Siquidem extra dubitationis aleam positum, infamiam in se & solum consideratam nunquam privationem bonorum & amissionem juris communis inferre, sed saltem a consuetudine honestorum virorum, ab officiis item & dignitatibus arcere hujusmodi homines solere uti videre est ex *l. 2. C. de dignitatib.* hinc facile conjecturare licet, ei, qui infamiae notam publicam incurrit, nihilominus libere de rebus suis disponere & testamentum scribere validum integrum esse. Quod & communis Dd. opinio est; quam præter & assentientes in specie adduco Duaren. *ad rubr. qui testam. fac. poss. vers. nunc vidend.* Clar. *§. Testamentum qu. 32.* Dauth. *de Testam. n. 265.* qui inter alia *ad l. 26. de testam. milit.* provocat, ubi militi a militia ex causa ignominiosa misso atque adeo infami, *der als ein Schelm vom Regiment gestossen worden* / jure communi testari non est prohibitum; sed saltem ne militare testamentum tanquam privilegiatum conficiat, cum omnium privilegiorum militarium per pravum & ignominiosum suum factum incapacem sese reddiderit. Firmiter itaque subsumendum, quicquid infami in genere est concessum, illud stigmate signatis denegari nullo jure posse. Et hinc eo magis stigmaticis testamenti factio permittitur, quo magis ne quidem ultimo supplicio damnatis illa est hodie interdicta. De jure equidem veteri confiscatio bonorum capitali poenæ erat annexa *jx. l. 1. pr. ff. de bonis damnat. l. 8. §. fin. qui testam. fac. poss.* quod nec hodie mutatum esse statuunt Bachov. *ad Treutl. Vol. 2. Disp. 10. §. 10.* Perez. *in Cod. de testam. n. 4.* Struv. *ad ff. eod. tit. §. 8. n. 8.* Dieterich. *in Colleg. Criminal. Disp. 10. §. 6. lit. Q.* & alii. Et nil officere Nov. 22. c. 8. in qua servitus quidem poenæ sublata legitur, sed civitas amissa non restituitur; nemini autem nisi civi permittitur

tur testamenti factio *l. 1. pr. ff. ad l. falcid. l. 29. ff. de pen. d. l. 8. §. f. ff. qui test. fac. poss.* Neque etiam Novellam 134. c. ult. quæ quippe ultimo supplicio damnatis heredes legitimos ab intestato denominat, testandi autem facultatem non tribuit, Rittershus. *Novell. p. 13. c. 4. n. 4. & seq.* ubi etiam agit de *Nov. 12. & Nov. 17. c. 12.* Carpzov. *Pr. Crim. qu. 135. n. 20.* Sed salva res est. Utut enim hæc recte omnino se habeant de Jure Civili, consuetudine tamen & Praxi omnes ad testandum admitti morte plectendos, (solis exceptis iis, qui ad confiscationem omnium bonorum simul etiam expresse condemnati sunt) testes sunt gravissimi Jcti, inter quos est Carpz. ante laudatus *dict. qu. 135. n. 22.* ubi de consuetudine lueulenter testatur his verbis: Etsi vero lubens fatear, verissimam esse hanc sententiam, & testamenta talia de jure parum vel nihil valere; Attamen hodie fere ubique contrarium observari de consuetudine generali, ita ut & hi qui sunt decapitandi, plerumque in carcere faciant testamenta & instituunt hæredes, qui ad successionem postea quoque admittantur, testes sunt Jul. Clarus *lib. 3. sent. §. testament. qu. 21. n. 1.* Albert. de Rosat. *in l. ejus qui §. 1. n. 1. ff. qui test. fac. poss.* Matth. Coler *p. 1. decis. 34. n. 6.* ubi in causa cujusdam damnati ad furcas, qui priusquam sententia publicaretur, facto testamento Xenodochium Cyzense suorum bonorum heredem instituerat, Jenæ Mense Majo Anno 1575. ita pronunciatum, ac testamentum pro valido fuisse habitum refert, id quod etiam alio appposito præjudicio confirmavit prædictus Autor. Richter. *decis. 57. n. 2.* & Philippi *in Usu Practic. Instit. L. 2. tit. 12. eclog. 51.* qui simile de consuetudine fert testimonium subiecto bino præjudicio. Quin imo fecit Legislator Saxonicus ex hac consuetudine legem seu Jus scriptum in *Constit. Elect. 6. p. 3.* So constituiren ordnen und setzen wir / daß diejenige / so auch gleich zur Todes-Straff verdammet und verurtheilt / ihre Güter

halber / und von alle deme / so sie nach ihrem Tode
verlassen werden / Testament machen / und in andere We-
ge durch beständige letzte Willen / kräftige Verordnungen
richten mögen / jedoch wollen wir damit nicht gemeiner /
sondern ausgeschlossen haben / wann die Ubelthäter nicht
allein zum Tode / sondern auch zur Confiscation aller ihrer
Güter verdammt werden.

Qu. X.

Nunc decidenda venit: An stigmatē notatus testis esse possit?
Quod simpliciter, nil quicquam obstante *l. 13. ff. de testib.* & Go-
thofredo ad illam, negatur. Siquidem ob commissum crimen
notatus infamis fit. *l. 7. de publ. jud.* Infamis autem testimo-
nium *de Jure Civili* non admitti constat ex *l. 1. §. 1. l. 3. pr. & §. 5. l. 15. l. 18. l. 21. ff. de testib.* Quamvis Græci isthanc enumera-
tionem non generaliter de omnibus judiciis acceptam velint, sed
ad legem Juliam de vi restringant. vid. *Ecclog. Basilic. l. 21. Tit. 1. c. 4.*
Rectius vero Accursius in *d. §. 5.* & Donell. *l. 25. com-
ment. cap. 1. de testib.* ad omnia judicia pertinere arbitrantur, arg.
d. l. 15. junct. l. 20. §. 5. ff. qui testam. fac. possunt. de cu-
jus lectione vid. Gothofr. & Cujac. a se allegat. *l. 6. §. 1. ad L. Ful. repetund. l. 14. l. 18. de testib.* Simili ratione omnes, qui
vel edicto, vel lege, vel pronuntiatione judicis infamia notantur,
à testimonio dicendo reppelluntur, secund. Gloss. & alios Dd. in
l. 1. C. de summa trinit. Azo in *summa C. de testib.* Sichard. *ad
eand. rubr. n. 1.* Farinac. *qu. 56. n. 26.* Wesenb. *paratitl. num. 3.*
Dissentiunt equidem Donellus *dict. cap. 1.* & Duaren. *2. disp. anniversar. 23.* & *ad titul. Codic. de testib. capit. 1.*
Sed communis sententia verior est habenda arg. *l. 1. §. 1. l. 2. l. 13. l. 21. §. 2. ff. de testib. l. 2. ff. de senator. d. l. 6. §. 1. ad L. Ful. repet.*

repet. Nov. 90. c. 1. De infamibus facti, quos vocant, notant Interpretes, quod à testimonii dictione arcendi sint in causis criminalibus & arduis, *Dd. in l. 1. C. de summa Trin. Costal. in l. 2. ff. de senator. Clar. §. fin. qv. 24. n. 13. Farin. d. qv. 56. n. 110. & 115.* Verum cum loquantur sine lege, illis calculus simpliciter non erit addendus; quanquam fides horum infamium non sit tanta, quantam integri vitæ scelerisque puri merentur. *Ferrat. ind. l. 3. §. lege. & Donell. cit. loc. De Jure Canonico res dubio caret, si quidem juxta hujus dispositionem testimonium infamis prorsus nullius est momenti c. infames. c. 6. q. 1. c. 54. X. de testib. Mev. ad Jus Lub. lib. 5. tit. 7. art. 4. n. 4. & 5. Struv. ad tit. de testib. 6. 38. secus si legitimatus atque adeo in integrum restitutus, quod fit in milite, wenn die Fahne wieder über Ihn geschwungen worden / quæ restitutio gratiæ dicitur; & tunc absorbetur infamia l. 1. §. 9. 10. ff. de postul. l. 1. C. de sent. pass. Franzk. ad tit. de postul. n. 13. licet non stigma, cum per hoc nullam infamiam sibi contraxerit, sed male agendo secundum Marcellum in l. 22. ff. de his qui notantur infam.*

Qu. XI.

An qui auriculam perforat, annulumque appendet, pro stigmatico haberi queat? nunc ponderanda. Proprium olim id aurium ornamentum fuisse foeminarum, quarum quippe natura præmarium indole magis inclinat ad mollitiem & superbiam (quæ tamen quandoque & viros, quos juxta Poëtam, forma neglecta decet, invasit) ex historia Romana satis abunde certum est. Inde vocabantur olim auriculæ ornatrices foeminae, qualis erat Julia Livia Augusta. vid. *Pignor. de servis p. 199.* Ornatus v. aurium plerumque consistebat in elenchis, quos narrante Plinio, appellant fastigiata longitudine, alabastrorum figura, in pleniorē orbem desinentes.

Hinc

Hinc Juvenalis Sat. 6. v. 460.

— — — — — & cum
auribus extentis magnas commisit elenches.

Nota est insuper, referente Valer. Maximo, historia Cleopatræ, quæ par elenchorum totius mundi maximorum ab Antecessoribus Regni Ægypti relictorum, possidebat, horumque unum aceto prius colliquefactum in præsentia mariti ebibebat. Quicquid interim sit, negativè quæstio decidenda erit, ideò, quod nullum delictum, quod infamiam importet, præcesserit. l. 7. de publ. jud. Licet non negem, cum inter stigmata gloriosa, quorum memini supra Sect. prior. §. IV. referre minime queant, peccare eos & eas moraliter; cum nemo membrorum suorum sit Dominus. Id quod non solum sana ratio, sed & scriptura sacra expresse dictitat. Perpulcra & quæ cumprimis huc transferri merentur, sunt hanc in rem verba Cypriani de discipl. & habitu virgin. quibus id pluribus comprobatur, *An vulnera*, inquit, *inferri auribus Deus voluit? quibus innocens adhuc infantia, & mali secularis ignara crucietur, ut postea de aurium cicatricibus & cavernis pretiosa grana dependeant, gravia etsi non suo pondere, mercium quantitate.* & paullo post: *non inferantur auribus vulnera, nec brachia includat aut colla, de armillis & monilibus catena pretiosa, sint a compedibus aureis pedes liberi, crines nullo colore fucati, oculi conspiciendo Deo digni.*

Qu. XII.

et ultima tandem resolvenda. An, qui in facie stigma vel signum connatum habet, wenn einer ein Brandmal oder Zeichen mit auf die Welt gebracht / & An, qui aurem vel nasum, aut partem alterutrius casu, v. gr. dimicando, morbo &c. amiserit, pro stigmatico censendus sit? Duas habet partes hæc quæstio, cumque, quoad primam ex hætenus dictis cumprimis

ex

ex qu. VIII. negativa responsio facile sit colligenda, plura de industria non addo; & saltem partem alteram breviter inspiceo, quæ itidem ex quæstionum antecedentium decidendi rationibus neganda est, Nemini enim id quod casu vel citra culpam factum imputandum est, multo magis infamia obijcienda, per Jura notoria. Memorabile est Tychonis de Brahe Mathematicorum Coryphæi super æthera noti exemplum, cui, cum studiorum causa Hassniæ degeret, in conflictu nocturno nasus ense abscissus est, (cui tamen defectui, argenteo naso adeo bene consuluit, ut ne scientes & scrutantes quidem differentiam attendere potuerint) quod nequaquam obstabat, quo minus postea, ad Consilarii & Mathematici Cæsarei dignitatem advectus, & Imperatoris summa gratia fruitus fuerit. Ubi tamen monendum censeo, privatis ita casu signatis opus esse testimonio quopiam authentico, ne apud graves Viros aliosque suspensionem infamiae incurrant, quæ sine hoc sæpe numero alias vix declinari potest. Claro id corroboro clari nominis Colonelli exemplo, qui morsu equi partem auris amiserat, ideoque, cum adhuc inter milites plebejos numeraretur, testimonium a Colonello suo sibi dari curaverat, quo rei veritatem ubique probare, infamiamque, quæ alias militibus aure vel nasu mutilatis obijci plerumque solet, a se declinare potuit. Multo minus cicatrices in facie vel corpore militibus probro sunt, cum dehonestamenta illa faciei corporisve totius regulariter militum sint gloria & virtutis testimonia. Sicuti de L. Sicinio (alias Siccio) Dentato narrat Val. Max. l. 3. *per. memor. c. 2. n. 24.* Dio lib. 10. & Plin. l. 7. c. 28. qui postquam centies & vicies in aciem eo animi & corporis robore descendisset, ut majorem semper victoriæ partem traheret, quinque & quadraginta vulnerum pectore exceptorum, tergo cicatricibus vacuo, maculas summum corporis sui ornamentum &

splendorem habuit. Nec minora Manlii Capitolini fuerunt decora, dum 33. cicatricibus aduerso corpore insignis fuit, & M. Sergii ter & vices vulnerati, referente Plinio d. l. Hinc bene Corn. Agrippa de *Vanit. scient. c. 79. in f.* Insignia, ait, militiae sunt non purpura, torques, annuli, tiaræ; sed aduerso corpore vulnera & deformata cicatricibus corpora. Unde apud Liv. *decad. 1. l. 4. c. 58.* vulnera & cicatrices suas numerant, rogantes, quid jam integri sit in corpore loci ad nova accipienda vulnera.

TANTUM !



